



Na osnovu čl. 32. i 33. Zakona o reviziji institucija BiH ('Službeni glasnik BiH', broj 12/06), za potrebe Ureda za reviziju institucija BiH objavljuje se

O G L A S

za popunu radnog mjesta na neodređeno vrijeme
u Uredu za reviziju institucija BiH

1/01 Revizor za finansijsku reviziju

Opis radnog zadatka: Vršiti reviziju, sastavlja izvještaj o izvršenoj reviziji, a prema poslovima u Odjeljenju za finansijsku reviziju u kojem se obavljaju sve revizione operacije koje se odnose na vršenje revizije, izradu revizionih izvještaja i druge poslove revizije, i to:

- a) Revizija finansijskih izvještaja: ova revizija obuhvata reviziju i davanje mišljenja o finansijskim izvještajima, kao što su - bilans stanja, račun prihoda i izdataka, izvještaj o izvršenju budžeta, izvještaj o gotovinskim tokovima i ostali izvještaji koji su propisani zakonom,
- b) Revizija usklađenosti (saglasnosti, podudarnosti): ova revizija obuhvata provjeru da li rukovodioci institucija BiH postupaju u skladu sa zakonima i propisima BiH, tj. da li su transakcije o kojima informišu finansijski izvještaji u skladu sa relevantnim propisima,
- c) Obavlja sve druge poslove revizije koji mu se stave u nadležnost.

Uslovi: Pored općih uslova propisanih članom 33. Zakona o reviziji institucija BiH ('Službeni glasnik BiH', broj 12/06), kandidati za navedeno radno mjesto trebaju ispunjavati i slijedeće posebne uslove:

- VSS - VII stepen (završen ekonomski fakultet),
- Tri godina radnog iskustva u struci,
- Poželjno je zvanje ovlaštenog revizora,
- Položen stručni (upravni) ispit,
- Poželjno je poznavanje engleskog jezika,
- Posjedovanje znanja rada na računaru,
- Kandidat mora biti spreman na timski rad, da poslove obavlja samostalno, da bude analitična osoba sa potrebnom vještinom usmene i pisane komunikacije.

Broj izvršilaca: tri (3) izvršioca.

1/02 Stručni savjetnik za pravne poslove

Opis radnog zadatka: Obavlja poslove za potrebe revizije; daje mišljenje na pojedinačna i opća akta; prati primjenu zakona i podzakonskih akata; izrađuje nacрте i prijedloge normativnih akata i prati njihovu realizaciju; provodi relevantne postupke iz normativnih akata Ureda za reviziju; obavlja sve druge poslove koji mu se stave u nadležnost.

Uslovi: Pored općih uslova propisanih članom 33. Zakona o reviziji institucija BiH ('Službeni glasnik BiH', broj 12/06), kandidati za navedeno radno mjesto trebaju ispunjavati i sljedeće posebne uslove:

- VSS - VII stepen (završen pravni fakultet),
- Tri godina radnog iskustva u struci,
- Položen stručni (upravni) ispit,
- Posjedovanje znanja rada na računaru.

Broj izvršilaca: jedan (1) izvršilac.

1/03 Vozač

Opis radnog zadatka: Obavlja prijevoz zaposlenika za potrebe Ureda za reviziju; obavlja poslove za potrebe revizije; održava vozilo; obavlja sve druge poslove koji mu se stave u nadležnost.

Uslovi: Pored općih uslova propisanih članom 33. Zakona o reviziji institucija BiH ('Službeni glasnik BiH', broj 12/06), kandidati za navedeno radno mjesto trebaju ispunjavati i sljedeće posebne uslove:

- SSS
- Položeni ispit za vozača B i C kategorije,
- Šest mjeseci radnog iskustva kao vozač.

Broj izvršilaca: jedan (1) izvršilac.

Potrebni dokumenti: Uz Prijavu na Oglas, kandidati trebaju dostaviti:

Ovjerene kopije: (za poziciju 1/01 i 1/02)

- fakultetske diplome (nostrifikovane diplome, ukoliko fakultet nije završen u BiH, ili je diploma stečena u nekoj drugoj državi, nakon 06.04.1992. godine),
- uvjerenja o državljanstvu (ne starijeg od šest mjeseci) ili lične karte izdate od strane CIPS-a,
- uvjerenja o položenom javnom ispitu ili stručnom (upravnom) ispitu,
- dokaza o traženom radnom iskustvu;

Ovjerene kopije: (za poziciju 1/03)

- dokaza o završenoj SSS
- uvjerenja o državljanstvu (ne starijeg od šest mjeseci) ili lične karte izdate od strane CIPS-a,
- dokaz o položenom vozačkom ispitu za 'B' i 'C' kategoriju
- dokaza o traženom radnom iskustvu;

Originale: (za poziciju 1/01, 1/02 i 1/03)

- dokaza da kandidat nije otpušten iz državne službe kao rezultat disciplinske mjere na bilo kojem nivou vlasti u BiH tri godine prije podnošenja prijave za zaposlenje (original uvjerenja ili ovjerena izjava),
- dokaza da se protiv njega ne vodi krivični postupak,
- dokaza da nije pravosnažno osuđen na kaznu zatvora za krivična djela s izuzetkom krivičnih djela protiv sigurnosti u saobraćaju, u skladu sa krivičnim zakonom, te
- dokaza da nije obuhvaćen odredbama člana IX.1. Ustava BiH (original uvjerenja ili ovjerena izjava).

Napomena za sve kandidate:

- Pod radnim iskustvom podrazumijeva se isključivo radno iskustvo nakon stečene visoke školske spreme.
- Kandidati koji nemaju položen stručni (upravni) ispit neće biti isključeni iz procedure Oglasa, ali su dužni isti položiti u roku od 6 mjeseci od dana zasnivanja radnog odnosa.
- Izabrani kandidat će biti dužan dostaviti ljekarsko uvjerenje o zdravstvenoj sposobnosti, prije preuzimanja dužnosti.

Sve tražene dokumente treba dostaviti najkasnije 30 dana od dana objavljivanja Oglasa, putem pošte, preporučeno, na adresu:

Ured za reviziju institucija BiH

'Oglas za popunu radnog mjesta revizora u Uredu za reviziju institucija BiH'

Hamdije Čemerlića 2/XIII

71 000 Sarajevo

Nepotpune, neblagovremene i neuredne prijave neće se uzimati u razmatranje.